



‘বিপদজনক’ সাইনবোর্ড বুলানো দালালে অফিস-আদালত-স্কুল চলিতেছে

খিনাইদহ, ৭ই অক্টোবর (নিজস্ব সংবাদদাতা)—অত্র জেলার অন্ততঃ ৫০টি স্কুল-কলেজ, অফিস-আদালত জরাজীর্ণ ও ভাঙ্গা চুরা দালালে চলিতেছে। এসকল দালালের গারে গণপূর্ত বিভাগ হইতে বিপদজনক সাইন বোর্ড বুলাইয়া দেওয়া হইয়াছে। যে, কোন সময় ভাঙ্গিয়া পড়িতে পারে এই মর্মে জনসাধারণকে সতর্ক করিয়া দেওয়া হইয়াছে।

এই সকল বিপদজনক অফিস-আদালতের মধ্যে আছে-খিনাইদহ জজকোর্ট, সরকারী কেশব চন্দ্র কলেজ হোষ্টেল ও লাইব্রেরী, সরকারী এতিম খানা, শৈলকুপা সাবরেকজিট্রি অফিস, সিদ্ধি ও ব্রহ্মপুত্র প্রাইমারী স্কুল ইত্যাদি।

বরগুনা সংবাদদাতা জানান, পাথরঘাটা উপজেলার নাচনাপাড়া বন্দরের কমিউনিটি সেন্টারের ছাদ সম্প্রতি ধসিয়া পড়ে এবং অল্পের জন্য শতাধিক লোক হতাহতের হাত হইতে বাঁচিয়া যায়।

জানা যায়, নাচনাপাড়া হাটের দিন প্রবল বর্ষণের সময় শতাধিক হাটুরিয়া উহাতে আশ্রয় নেন। কিছুক্ষণ পর উহার ছাদ ফাটিয়া অঝোরে পানি পড়িতে থাকিলে আশ্রিত লোকেরা বাহিরে চলিয়া যায়। উহার ৩/৪ মিনিট পরে ছাদটি ধসিয়া পড়ে।

লালমনিরহাট সংবাদদাতা জানান, সদর উপজেলার কালমাটি চোংডাদাড়া হিমুখী উচ্চ বিদ্যালয় গৃহের ছাদ যে কোন (৪র্থ পৃঃ ৫৫)

(৩য় পৃঃ পর) সময় ধসিয়া পড়িতে পারে। উহার প্রতিটি বিমে ফাটল ধরিয়াছে। প্লাষ্টার খুলিয়া পড়িতেছে। লোহার রডগুলি বাহির হইয়া গিয়াছে।

সিরাজদীখান (মুন্সিগঞ্জ) সংবাদদাতা জানান, টঙ্গীবাড়ী উপজেলার বেতকা ইউনিয়নের দুইটি সরকারী প্রাথমিক বিদ্যালয়ে ছাত্র-ছাত্রীরা জীবনের ঝুঁকি নিয়া ক্লাস করিতেছে। উত্তর বেতকা প্রাথমিক বিদ্যালয় ভবনের অর্ধাংশের ছাদ গত ৮ই জুলাই বিকালে ধসিয়া পড়ে। বাকী

বিপদজনক সাইনবোর্ড

অংশে ক্লাস চলিতেছে। কিন্তু উহা যে কোন সময় ধসিয়া পড়িতে পারে। খিলপাড়া প্রাথমিক বিদ্যালয়ের দেয়ালে ৪ বছর পূর্বে ফাটল ধরিয়াছে। ইহার দরজা জানালা কিছুই নাই।

গফরগাঁও (ময়মনসিংহ) সংবাদদাতা জানান, গফরগাঁও উপজেলার বনগাঁও সরকারী প্রাথমিক বিদ্যালয়ের জরাজীর্ণ ভবনটি যে কোন মুহূর্তে ধসিয়া পড়িতে পারে। সংশ্লিষ্ট স্কুলের

শিক্ষক ও ছাত্রগণ প্রাণের ভয়ে এখন বাহিরে ক্লাস চালাইয়া থাকে। স্কুলের মূল ভবনের ছাদটিতে ফাটল ধরিয়াছে। ফাটল দিয়া অঝোরে ধারায় বৃষ্টির পানি পড়িয়া স্কুল ঘরের ভিতরে প্রায় হাটু পানি জমিয়া যায়।

ব্রাহ্মণবাড়ীয়া সংবাদদাতা জানান, সদর উপজেলার আশুগঞ্জ থানার আড়াইসিধা উত্তর প্রাথমিক বিদ্যালয়ের ছাদ ধসিয়া যে কোন সময় দুর্ঘটনার আশঙ্কা দেখা দিয়াছে। সামান্য বৃষ্টি হইলেই ছাদ দিয়া পানি পড়ে।